



Invitaziun pil pievel Tuatschin ad in workshop pertuccont projects d'infrastructura turistica ed ina nova punt per pedunzs Gionda - Sedrun

**mesjamna, ils 6 da november 2024, allas 18.30 uras,
en la halla plurivalenta Dulezi a Sedrun**

Preziadas convischinas, preziai convischins

La suprastonza communal da la Vischnaunca Tujetsch envida vus ad in workshop pertuccont projects d'infrastructura turistica ed ina nova punt per pedunzs Gionda – Sedrun.

Il program dil workshop vesa ora sco suonda:

1. Informaziun generala
 - Strategia da svilup Andermatt – Sedrun – Disentis
 - Informaziuns davart las ideas dils projects:
 - nova punt per pedunzs Gionda – Sedrun
 - piazza da giugs Drun
 - zipline a Claus
 - parc da sugas per affons a Claus
 - parc da bike a Claus
2. Workshop en gruppas
3. Eventualmein votaziun consultativa davart ils projects

Nus lein nezegiar quei workshop en cuminonza per rimnar resuns dil pievel. La finamira ei ina discussiun ed era il rimnar autras ideas.

Per la durada dil workshop ha la Vischnaunca Tujetsch organisau survegionza per ils affons (da scoletta e scola) dallas 18.15 uras entochen allas 20.30 uras en Sala Cristalla.

Suenter il workshop envida la suprastonza communal a bugen tut ils participonts ad in apéro.

Sin bien seveser

la suprastonza communal